



Sesida dals

Communitgà ils

Protocol nr.

21 da favrer 2023

22 da favrer 2023

140/2023

Dumonda Dietrich

concernent la mancanza da persunal e da plazz en il sector da promoziun pretensius

Resposta da la Regenza

Las suandantas explicaziuns pertutgan scolaras e scolaras (SeS) cun in basegn spezial da promoziun en il sector dals impediments. La dumonda areguard plazz per SeS cun cumportaments problematicas en il senn pli stretg vegn tractada en la dumonda Claus concernent la mancanza da plazz per uffants cun basegns spezial en scola: Sche l'integraziun arriva a ses cunfins!

Tar la dumonda 1: Sco basa per la planisaziun da la purschida en il sector pretensius vegn elavurada periodicamain in'analisa dal basegn, quai tenor l'art. 49 al. 2 da la Lescha davart las scolas popularas dal chantun Grischun (Lescha da scola; DG 421.000). En ina retschertga stiman las instituziuns da la scolaziun speziala, quants plazz libers e quants plazz occupads ch'ellas vegnan mintgamai ad avair a disposiziun ils proxims trais onns da scola. Ultra da quai stiman ils posts spezialisads cumpetents da l'Uffizi per la scola populara ed il sport (USS) il basegn. L'ultima giada èn ils basegns vegnids eruids ils onns 2017, 2020 e 2022. L'ultima retschertga è vegnida realisada in mez onn pli baud, per pudair reagir – en cas da basegn – sin l'onn da scola 2023/24. Il USS dispona da cifras che demussan retrospectivamain il svilup en la scolaziun speziala integrativa e separativa sco er en l'assistenza respectiva.

Tar las dumondas 2 e 3: Sin fundament da l'analisa dal basegn menziunada e pervia da la pretensiun da la Cumissiun da gestiun dal Cussegl grond da franar ils custs en il en il sector da las mesiras pretensiusas da la pedagogia speziala, è in engrondiment dal dumber da plazz fin ussa vegnì giuditgà sco betg inditgà. La retschertga ch'è vegnida fatga la fin dal 2022 per eruir il basegn da plazz en la scolaziun speziala separativa per l'onn 2023/24 ha mussà in basegn ch'è creschì pli fitg che spetgà. Sco mesira a curta vista èsi previs (stadi schaner 2023) da stgaffir en las instituziuns da la scolaziun speziala per SeS cun in impediment plazz supplementars temporars per l'onn da scola 2023/24. A media ed a lunga vista èn planisadas differentas mesiras

en il champ da tensiun tranter il svilup dals custs e l'augment dal basegn. Il USS è vegnì incumbensà d'analisar il svilup dals custs e d'elavurar propostas da mesiras per sbassar ils custs. A medem temp ha lieu in'analisa dal basegn per la planisaziun da la purschida en il sector da las mesiras pretendiusas da la pedagogia speziala 2024–2026. La Regenza concluda questa planisaziun en il decurs da quest onn. La mancanza da persunal en la pedagogia curativa da scola è in fenomen ch'exista dapli pli ditg en blers chantuns e che ha plirs motivs (p.ex. basegn pli grond, engaschaments a temp parzial). Tenor la pratica pon vegnir concedidas – en cas da basegn – permissiuns da dar scola a persunas d'instrucziun adattadas senza in diplom en pedagogia curativa, quai per pudair garantir la cuntinuaziun da l'instrucziun. Per l'onn da scola 2022/23 è plinavant vegnida stgaffida ina regulaziun excepziunala concernent l'engaschament d'assistenzas da scola en la scolaziun speziala integrativa. Fin ussa han ins stuì far diever mo en singuls cas da questa regulaziun. Per cuvrir uschè bain sco pussaivel a media ed a lunga vista il basegn da pedagogas curativas e pedagogs curativs, ha la Regenza approvà in model da scolaziun e da furmaziun supplementara a partir da l'onn da scola 2022/23 ch'è concepì per 6 onns, quai en cooperaziun tranter la Scola auta da pedagogia dal Grischun e la Scola auta interchantunala da pedagogia curativa.

Tar la dumonda 4: Per regla sto ina scolaziun speziala vegnir planisada sin il cumenzament d'in nov onn da scola. La Regenza parta dal fatg, ch'ina promoziun tras il purtader da scola – en il rom da las resursas da la pedagogia speziala simplas ch'èn avant maun – saja per regla giustifitgabla per il temp fin ch'in nov onn da scola cumenza. Per indemnisar las mesiras da la scola regulara che surpassan las contribuziuns ch'èn previsas tenor Lescha da scola, na datti nagina basa giuridica. Sch'ina scolaziun integrativa speziala vegn en dumonda e sche las resursas persunalas necessarias per tala na pon betg vegnir messas a disposiziun da l'instituziun da la scolaziun speziala cumpetenta (però da la scola regulara), alura pon ins garantir ina scolaziun speziala ed ina finanziaziun dal chantun tras quai, ch'il persunal pertutgà surpiglia in pensum da lavur parzial tar l'instituziun da la scolaziun speziala.



En num da la Regenza

Il president:

Peter Peyer

Il chancelier:

Daniel Spadin